

續修曲沃縣志

知縣 張鴻達

纂輯

署知縣 茅丕熙

公署

堂廉之分示民瞻視漢官威儀實繫於此勿謂傳舍日敬其

事志公署第七

縣署

在舊城東北隅明洪武二年縣丞邢彥文建成化七年知縣高隆正德十一年知縣葛禴萬曆十三年知縣何出光各重

修正堂三楹儀門三楹東西角門各一楹南豎彰善癉惡二碑大門三楹左右徵收所各七楹六曹廊東西各十楹正北爲知縣宅萬曆三十七年知縣趙彥復作書舍於縣治東爲縣丞宅舊址西爲主簿宅今改建天駟廟吏屏在主簿宅前 國朝乾

隆三年知縣李卓撰奉文請項修理東西六曹各十楹倉房
三楹乾隆四年東西丹墀植槐樹八株二十一年知縣張坊建
時降亭在署西幕二十二年建蘇喜亭
在署西廳前又重修三堂額曰在公堂

庫藏

在堂左

幕廳

在堂右
今廢

戒石亭

在堂前

寶藏庫

在堂後左乾隆二十
一年知縣張坊重修

架閣庫

在堂後右乾隆八年
知縣張若峯重修

寅賓館

在大門內東萬曆十三年
知縣何出光建屋廢址存

旌善亭

在大門外左洪武
七年知縣朱武建

申明亭

在大門外右
知縣朱武建

園圖

在儀門西

教諭署

在學宮崇
雅堂後

訓導署

在學宮崇雅
堂後東偏

巡檢署

在侯馬鎮

典史署

在縣署大堂東南大門一座大堂三楹書辦皂隸房三間
二堂三楹東西房六間東書房南北各三間內宅上房三

間東西房各三間
後院北房三間

城守正司

在縣治西常平倉前

城守分司

在侯馬鎮

城守副司

在縣上升門內

察院

在縣治西成化八年知縣高隆建今改建天神廟

布政分司

在縣治西明宣德九年知縣燕雲建今改建馬神廟

按察分司

在縣治西明景泰二年知縣張甯建今改爲新建倉乾隆四年知縣李卓揆奉文請項改建捐監倉廩十楹

府館

在縣治東南屋廢址存乾隆二十二年知縣張坊令三十六里將南截基址捐入主字約建關帝三代祠按臨仍借用

稅課司

在縣治南明洪武六年縣丞邢彥文建今廢

陰陽學

在縣治西明成化八年知縣高隆建屋廢址存

醫學

在縣治西明成化八年知縣高隆建屋廢址存

僧會司

道會司

養濟院

在縣治東南明洪武七年知縣朱武建天順六年知縣王聰成化二十一年知縣劉璣

國朝順治十七年邑人

賈生芝各重修內房屋八間乾隆十年知縣黃辰詳請捐建二

十四間共三十二間孤貧原額五十名口乾隆四年奉文增

添一十五名口其口糧向無額設均係官紳士民酌量捐給乾

隆二年奉文於常平倉儲穀內動發碾米按名日給一升又

孤貧冬衣布花原額銀二十二兩二錢奉文加增每名應得

銀九錢四分三釐九毫其銀四十七兩一錢九分八釐六毫乾

隆四年又增浮額孤貧布花銀一十四兩一錢五分九釐五毫

通共銀六十一兩三錢五分八釐一毫在於本年留支項內扣

支報銷道光二十二年知縣張兆衡移建考院之西房屋仍

如前數今屋廢址存

馬號

在署二門內西南

侯馬遞運所

前廳三楹後廳三楹前廂房三楹後廂房三楹大使宅一所明洪武八年知縣朱武建嘉靖二十四年知

縣石鯨重

修今廢

後場院一所

西地基係兌鎮民許伸業東地基一方槐樹二株係吏員弟續倫監生弟清弟潛生員弟蒼霖乾隆二十

二年
捐

明公公館一所

在侯馬鎮乾隆二十二年三十六里公建木石係蒙城監生喬偉捐即今大公館

喬公公館一所

在侯馬鎮乾隆二十二年三十六里公建木石係蒙城辛高有李紀自捐即今二公館

連二公館一所

在侯馬鎮乾隆二十二年三十六里公建木石係蒙城李翠林監生辛士英捐

考院

在城東南魁星樓右道光二十一年邑令張兆衡勸捐叔建

間內大堂五楹兩旁號舍各一十六間再進而二堂三楹東西廂房各三間二堂後三堂五間西廂房三間東翼以游廊綴以小院書齋庖廩備具西亦有小院四面各建書房三間工費鉅萬歷一載而始成轅門外鋪面左四間右兩間每歲租入以爲補修之資

漏澤園

在城北一在城西邑人賈漢復捐地一在侯馬鎮小李村貢生張存敏捐地

義田

縣境多有光緒丑寅間歲大飢餓殍屍橫道塗轉填溝壑有江蘇樂善富紳潘民表者來沃助賑見而憫之爰於上西關外買地十二畝九分有奇掩埋暴露其地徵糧銀一兩五錢三分零另有記潘紳助賑詳載流寓志

續修曲沃縣志

知縣 張鴻達

纂輯

署知縣 茅丕熙

學校

中古四學有宋三舍造士乞言執經洗學共期鳴鳳勿容害

馬志學校第八

義學書院鄉飲附

廟制

學宮在縣治西北宋慶歷四年因范仲淹請詔天下皆立學時縣令孫民先創建在城東南邑人甯智有記 金皇統元年知縣

宋琚泰和二年知縣張輦修祠以兵火廢 元大德四年縣尹
完顏從塘主簿賈天衢王德甯以紳士請改建今地旋地震不
止殿廡廢圯縣尹趙英重創至正九年縣尹閻得中修 明洪
武七年知縣朱武天順六年知縣王聰成化二十一年知縣劉
璣各增修大成殿五楹東西廡各十五楹崇聖祠三楹戟門三
楹東西角門各一楹更衣所在左齋宿所在右櫺星門三楹內
爲泮池開來繼往門各一楹前庠門一楹奎垣坊一座禮門三
楹名宦鄉賢祠在禮門內東西明倫堂三楹進德修業齋各五
楹祭器庫文卷房在堂東西卧碑在堂左壁後爲安道亭三楹

今改崇雅堂射圃在大成殿西宰牲所在射圃西宏治十六年
主簿李鐸正德十四年知縣侯秩嘉靖三十六年知縣張學顏
隆慶二年知縣楊時甯萬厯十一年知縣何出光三十年知縣
蒯諫崇禎元年知縣張文光隨時修葺又嘉靖六年知縣潘汝
壽建敬一亭於崇聖祠後內立世宗敬一箴及註釋宋儒四箴
碑

國朝順治十四年知縣劉國楨康熙十六年知縣周鉞四十年知
縣潘錦五十年知縣潘鉞各重修四十一年立

御製訓飭士子文碑於敬一亭內乾隆十四年知縣鄭志鯨重修庠

門並德配天地道冠古今坊二十年知縣張坊重修兩廡並更衣所齋宿所四十八年知縣婁文鑒創建尊經閣於明倫堂東溫泉舊有入泮水三分開渠鑿城循縣治西注泮池歷宋金元明因地震圯廢不入城者二百餘年乾隆二十年知縣張坊遵古仍引水入池旋即堙塞道光八年知縣李培謙開通渠路水復入池

順治九年

命禮部頒卧碑於天下學宮碑文云

朝廷建立學校選取生員免其丁糧厚以廩膳設學院學宮以教

之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲子既讀書明理當再三懇告使父母不蹈於危亡

一生員立志當學爲忠臣清官書史所載忠清事蹟務須互相講究凡利國害民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺

其身常宜思省

一生員不可干求官長結交勢要希圖進身若果心善德全上天知之必降以福

一生員當愛身忍性凡有司官衙門不可輕入卽有切己之事正許家人代告不許干與他人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違

制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙二十三年

御題萬世師表匾額頒懸大成殿又頒

御製學校論

治天下者莫亟於正人心厚風俗其道在尙教化以先之學校者教化所從出將以納民於軌物者也是以古者家有塾黨有庠術有序國有學人生八歲自王以下至於庶人之子弟皆入

小學及其十有五年則自元子眾子以至公卿大夫元士之適
子與凡民之俊秀皆入大學蓋自家至於國莫不有學自天子
至於庶人莫不學自幼至於長莫不皆學凡學有詩書禮樂以
爲之本干戈羽籥以爲之文父子君臣長幼之道於是焉觀之
六德六行之教於是焉取之所以淑其耳目手足之舉措而養
其心以復其性以爲修己治人之大者可謂備至矣是以當時
之君子履信思順以事其上小人亦皆樂循禮而恥犯法侯撻
不事而至治以興後世學校寢廣博士之途寢繁所以立教之
方失先王之遺意士之遊其中者直以爲利祿之階欲明道德

之一詎不難哉且夫今之所謂教者誦讀焉而已爾又弗實致其力以防其放縱邪侈之心使氣之充而識之明以漸求復其性其何以爲修己治人之道哉故曰教隆於上化成於下教不明於上而欲化成於下猶却行而求前也教化者爲治之本學校者教化之原欲敦隆教化而興起學校者其道安在在務其本而不求其末尙其實而不務其華以內行爲先不汲汲於聲譽以經術爲要不屑屑於文辭如是則於聖人化民成俗之道庶乎其有當也夫

四十一年頒